

傷寒瘟疫條辯

傷寒瘟疫條辯目錄

卷三

頭目眩辯

咳嗽辯

口燥咽乾辯

咽痛辯

渴辯

嗽水不欲嚥辯

嘔吐辯

喘辯

短氣辯

呃逆辯

虵厥辯

厥逆辯

大便自利辯

大便膿血辯

小便不利不通辯

小便自利辯

小便數辯

心悸辯

瘕辯

肉瞶筋惕辯

舌捲囊縮辯

循衣抹床辯

煩燥辯

澳懞辯

怫鬱辯

鬱冒辯

動氣辯

藏結辯

狐惑病辯

百合病辯

主客交病辯

婦女傷寒溫病辯

熱入血室辯

妊娠病辯

產後病辯

小兒溫病辯

傷寒溫病復病辯

凡三十七條

傷寒瘟疫條辨卷三

頭目眩

眩者頭旋眼黑也。傷寒頭眩多因汗吐下虛其上焦元氣之所致也。傷寒邪在半表半裏。中陽虛故時時頭目眩。葛根湯風家多頭目眩亦當解肌。葛根湯傷寒論曰少陽口苦咽乾目眩小柴胡湯加天麻川芎傷寒論曰陽明病但頭眩不惡寒故能食而咳其人必咽痛能食爲陽明中風四逆散加天麻桔梗傷寒論曰太陽傷寒誤吐誤下後心下逆滿氣上衝胸

裏虛氣起則頭眩。表虛陽脉沉緊邪在裏發汗則動

經身為振振搖者。汗則外動經絡傷損陽氣則不能主持諸脉也桂苓甘木

湯以溫經益陽或真武湯以實衛止汗按真經云上

虛則眩下虛則厥頭目眩皆屬虛宜溫經補陽之劑

吳氏治傷寒汗出過多頭眩身搖發熱脉虛數人參

養榮湯倍人參加天麻少佐酒炒黃柏二服而愈易

老云頭旋眼黑非天麻不能定少佐黃柏以滋腎水

也若血虛頭眩四物湯加人參天麻氣虛頭眩四君

子湯加天麻川芎伏痰頭眩二陳湯加南星白朮天

麻川芎內兼痰火上攻再加酒炒黃芩竹瀝薑汁若  
元氣虛脫者人參養榮湯大建中湯俱加天麻川芎  
內傷勞役者補中益氣湯加天麻川芎惟溫病頭目  
眩及頭脹頭痛頭汗並目赤目黃目不明目直視目  
反拆與傷寒治法不同俱係雜氣伏鬱中焦邪熱亢  
閉上攻頭目乃胃家實也通宜升降散加味涼膈散  
清利之。頭眩疼量加大黃目眩赤  
等證量加龍膽草酒炒

### 咳嗽

咳謂有聲無痰嗽謂有痰無聲咳嗽則有聲有痰也

肺主氣。形寒。飯冷。則傷之。使氣逆而不散。衝擊咽膈。令喉中淫淫如癢。習習如梗。而咳嗽也。有寒者。有熱者。有停飲者。有在表者。有在裏者。有在半表半裏者。病各不同。治亦有異。如傷寒停飲。與表寒相合。而咳嗽者。小青龍湯。或金沸草散。停飲與裏寒相合。而咳嗽者。真武湯。邪熱在半表半裏。而咳嗽者。小柴胡湯。加貝母。知母。天花粉。肺熱去人參。加沙參。凡陰證。手足厥逆。而咳嗽者。四逆湯。加五味子。若溫病。伏熱內鬱。咳嗽。白虎湯。合升降散。小清涼散。加竹葉。若煩悶。



則加味涼膈散增損三黃石膏湯並加桔梗夫咳爲肺疾必待發散而後已然又有不可發散者傷寒論曰咳而小便利不可發汗發汗則四肢厥逆又曰咳而發汗蹇而苦滿腹中復堅此爲逆也不知發汗尤爲溫病所大忌者豈止小便利一節乎又咳而脈數者爲心火刑肺金則死

口燥咽乾

引飲曰渴不引飲曰燥乾凡傷寒少陽邪在中焦口苦舌乾不甚渴脈弦者小柴胡湯少陽脈弦往來寒

熱而嘔。口燥咽乾者。小柴胡湯。口乾少津液。脉浮緊。微數者。白虎加人參湯。陽明無大熱。背惡寒。口燥咽乾者。白虎加人參湯。少陰病。得之二三日。口燥咽乾。急下之。以存津液。大承氣湯。此熱在下焦。燥枯腎水。下不可緩也。若溫病。怫熱內鬱。未有不口燥咽乾者。小清涼散。增損三黃石膏湯。再看兼證消息之。凡傷寒汗吐下後。津液少。口燥咽乾。及虛人水衰火旺。口燥咽乾。以補陰益氣。煎加麥冬。黃柏。知母。天花粉。以滋其水。若脉沉足冷者。多難治。溫病下後。須酌之不

可驟補。脉沉足冷。宜大下之。不可以傷寒例拘也。

### 咽痛

凡傷寒咽痛有多般。務宜詳辨。不可一例以爲熱也。太陽病誤下。脉若浮緊。必咽痛。此熱邪仍在上膈也。小建中湯加桔梗。誤汗亡陽漏風而咽痛。此陽虛而陰氣上乘也。乾薑附子湯。陽明病六七日不大便。熱蒸頭痛而咽痛者。調胃承氣湯。熱傳少陰而咽痛者。以其經上循喉嚨故也。脉必數而有力。證必燥渴。引飲。小便秘瀉短赤。急當下。奪以泄其熱也。大承氣湯。

少陰咽痛四逆瀉利下重者四逆散加薤白桔梗少陰病一二日咽痛者與甘草桔梗湯卽瘥此湯爲陰陽通用之劑少陰病下利清穀裏寒外熱脉微欲絕而赤咽痛此陰盛格陽也通脉四逆湯加桔梗有直中陰經而咽喉驟痛不腫不渴始病無發熱頭痛脉來沉緊而細或疾數無倫或嘔吐清水或瀉利清穀或燥極悶亂渴不能飲此寒氣客於少陰之經虛陽上逆之候附子湯乾薑附子湯加人參急溫之或可救療大抵陽邪上逆而咽痛宜甘寒以解其熱陰寒

邪塞而咽痛。宜辛溫以解其結。此大較也。若夫腎氣本虛。龍火勢盛。必挾痰飲於上。而腫痛閉塞也。當砭破出血。湧泄痰涎。後用六味地黃丸料。加牛膝、麥冬、五味子。頻服。又有真陰虧損。腎水枯涸。陰寒直中。而咽痛者。附子理陰煎。大劑濃煎飲之。若溫病。怫鬱中焦。流佈上下。卽見少陰經口燥舌乾。咽喉腫痛不利。之證。以其脉貫腎。終於肺。繫舌本故也。增損雙解散。加元參、牛蒡子。或增損普濟消毒飲。倍桔梗。加荊芥穗。升降散。尤爲對證之藥。

渴

凡傷寒發渴。或因熱耗津液。或因汗下太過。當分六經而治。太陽熱在表。不渴。若熱入膀胱之本。脈浮數。小便不利。微熱發渴者。五苓散。切不可與白虎湯。陽明病。脈長。標熱不惡寒。無汗而渴者。葛根湯。加黃芩。知母。減麻黃二錢。若陽明熱傳胃中。本熱惡熱。澀澀汗出而渴。脈洪大而數者。白虎湯。切不可與五苓散。若陽明本熱內實。或蒸蒸而熱。潮熱煩渴。口燥咽乾。大便實者。調胃承氣湯。或大柴胡湯。少陽脈弦數。口

苦咽乾發熱而渴及心煩喜嘔而渴或往來寒熱而渴並宜小柴胡湯去半夏加陳皮知母麥冬天花粉太陰自利則不渴惟少陰則口渴飲水也小便色白者此下虛有寒也脉沉附子湯厥陰渴欲飲水者少少與之愈以其傳經盡欲飲水爲欲愈之候也若身寒厥逆脉滑而口渴者此裏有熱也白虎加入參湯凡陰證煩燥口渴不能飲水此虛陽上迫而爲假熱脉沉足冷者四逆湯加入尿猪膽汁冷飲之若溫病一發卽煩渴引飲以鬱熱自內而達外也故直格曰

仍察溫病大渴  
欲飲涼水而汗  
出禁用不解何  
故

身熱爲熱在表引飲爲熱在裏溫病本末身冷不渴  
小便不赤脉不洪數者未之有也輕則白虎湯加白  
蠶蟬蛻天花粉重則增損三黃石膏湯加大黃凡  
病忽欲飲水者爲欲愈蓋腸胃燥不能散邪得水則  
和其胃氣汗出而解若不與水則乾燥無由作汗遂  
至悶亂也但當察邪熱之輕重寧少與之若熱少與  
多不能滲化則停蓄爲支結喘嘔下利腫滿等證要  
訣曰亦有下利清穀純是陰證而反見渴者此陰在  
下格陽於上兼因洩泄津液既去枯燥而渴雖引飲



原長此論發前  
人所未發每見  
由人害溫病  
臥涼水而汗出  
熱退此即助陰  
解熱之義也此  
即裏熱清而表  
復自解之義也

自少而常喜溫不可設寒劑。宜理中湯加附子。四逆  
湯加人參以溫之。○景岳曰水爲天一之精涼能解  
熱甘可助陰非苦寒傷氣者之比。如陽虛無火者其  
不宜水無待言也。其有陰虛火旺者元氣既衰精血  
又涸則津液枯燥多見鼻乾唇烈舌胎黑色二便閉  
結使非借天一之清何以濟然眉之急故先以冰水  
解其標繼以甘溫壯水之劑培其本水藥並進無不  
可也。其有內真寒而外假熱陰盛格陽之證察其元  
氣非甘溫大補則不足以挽回察其喉舌則些小辛

韓志所謂真對  
真假對假者此  
也

熱又不可以近口。有如是者。但將甘溫大補之劑煎  
成湯液。用冷水浸冷飲之。此以假冷之味解上焦之  
假熱。而以真熱之性復下焦之真陽。是非用水而實  
亦用水之意。內經所云伏其所主而先其所因是也。  
漱水不欲嚥

傷寒陽明病。凡內有熱者欲飲水。今欲漱水而不欲  
嚥。是熱在經。裏無熱也。陽明多血多氣。經中熱極。迫  
血妄行。故知必作衄也。犀角地黃湯加茅花。有太陽  
表證者。汗之。麻黃湯外證無寒熱。欲漱水不欲嚥。必

發狂此畜血停留也。桃仁承氣湯下血乃愈。少陰脈沉細厥逆時煩燥作渴欲漱水不欲嚥。四逆湯溫之。又下利厥逆無脈乾嘔煩渴欲漱水不欲嚥。白通湯不瘥。白通加入人尿猪膽汁湯。大抵陰證發燥煩渴不能飲冷水。或勉強飲下良久仍吐出。或飲水而嘔者皆內寒也。蓋無根失守之火遊於咽喉之間。但欲漱水不能飲水也。若飲水不吐復欲飲者熱也。若溫病雜氣怫鬱三焦邪熱內熾渴欲飲水者多矣。間或有漱水不欲嚥者。必其人胃中濕飲過甚。或伏火未散。

或畜血停留俱未可知。但口舌乾而不欲嚥也。輕則小清涼散。升降散。清降之。重則解毒承氣湯。大瀉之。不可拘傷寒陽明熱在經裏無熱之例也。

### 嘔吐

嘔者聲物俱出。吐者無聲出物。傷寒太陽陽明合病下利而嘔者。葛根加半夏湯。少陽陽明多嘔證。豚弦發熱。口苦而嘔。或寒熱往來而嘔。並宜小柴胡湯。倍半夏生薑。先渴後嘔者。爲水停心下。小半夏加茯苓湯。先嘔後渴者。爲欲解。可與水飲。太陽少陽合病。自

利而嘔者黃芩加半夏生薑湯少陽邪甚發熱嘔不止必下急鬱鬱微煩者大柴胡湯三陽發熱而嘔俱

用小柴胡湯發熱不解而煩

伏飲與邪熱相搏作煩悶

渴欲飲水

胃乾希冰自救

水入即吐

伏飲內作水不得入

名曰水逆五苓散傷寒

本自寒

下格

醫復吐下之寒格更逆吐下若食入口即

吐乾薑黃連黃芩人參湯太陽誤吐下心中

溫溫欲

吐而胸中痛大便溏腹微滿鬱鬱微煩者調胃承氣

湯若未曾吐下者大柴胡湯太陰腹滿或吐食不下

脈沉者理中湯加厚朴陳皮半夏生薑寒甚加附子

少陰脈沉遲飲食入口卽吐心中

溫溫

欲吐復不能

吐手足厥者四逆湯厥陰乾嘔吐涎沫者吳茱萸湯

若嘔而脈弱小便復利身有微熱見厥者難治可與

四逆湯救之若下利無脈乾嘔煩者白通加人尿猪

膽汁湯若陰厥嘔而不渴乾薑附子湯至於溫病嘔

吐者胃中伏火鬱而攻發也增損三黃石膏湯加味

涼膈散加石膏清利之自止若有宿糞燥結時時嘔

吐者此爲下格亦宜加味涼膈散升降散通之如病

愈後脈證俱平往往有下格之證所云病愈結存是

也。但常作哇聲。上下通氣。故不嘔而能食。俟胃氣漸復。津液流通。宿糞自然潤下也。斷不可攻。如下格常嘔。則氣閉矣。通之則宿糞除而嘔吐止。語云。欲求南風。須開北牖。正謂此也。大抵嘔吐清水。卽爲寒證。若胃中有熱。必是涎液酸水。病機曰。諸嘔吐酸水。液渾濁。皆屬於熱。諸病水液澄澈清冷。皆屬於寒。此可見矣。凡胃熱甚。服藥嘔吐不納者。愈吐愈服。三服後火性漸消。然後徐徐用藥。卽不吐。凡過藥不可用甜物。須憫生薑爲妙。

按傷寒本自寒下。句之丁字。爲是格字。心中溫溫欲吐。句溫溫二字。應是

嘔。嘔。蓋嘔。嘔者乃吐飲之狀也。皆當改之。

喘

喘無善證。溫病內熱。佛鬱。三焦如焚。氣上衝胸而喘者。加味涼膈散。腹脇滿痛而喘者。解毒承氣湯。若自臍下氣海動氣而喘者。不治。正傷寒則宜辨六經寒熱治之。太陽表有寒發喘者。脈浮緊。惡寒無汗也。麻黃湯加厚樸。表有風發喘者。脈浮緩。惡風有汗也。桂枝加厚樸杏仁湯。內有寒。心下水氣。乾嘔。汗出而喘者。小青龍湯。凡發汗後。汗出而喘。無大熱者。表寒未解



也麻黃杏仁甘草石膏湯太陽經病誤下之脉促者表未解也喘而汗出者葛根黃連黃芩湯陽明病內實不大便腹滿短氣發潮熱而喘者大柴胡湯加厚樸杏仁凡陰證厥逆脉沉細而微氣促而喘無汗者可治四逆湯加細辛五味子少陰病反發熱脉沉而喘麻黃附子細辛湯凡虛人脉沉手足厥逆而喘者五味子湯凡暴感風寒脉浮無汗而喘者蘇陳九寶湯凡熱甚有痰脉弦滑數而喘者不可汗不可下小柴胡湯去人參加陳皮貝母天花粉和之胸滿者加

枳殼桔梗。心下滿者。加枳實黃連。舌燥飲水者。加石膏知母。凡傷寒止於邪氣在表而喘者。心腹必濡而不堅。設或腹滿而喘。則又爲可下之證。須酌之。大抵諸喘爲惡。謂肺中邪勝而兼虛也。所以陰證發喘。尤爲惡候。下元虛損之人。腎氣上乘而喘。急以腎氣丸料引火歸源。可救十之一二。若兼動息搖肩。戴眼直視。汗出厥逆者。立斃。以邪氣上盛。正氣欲脫。必至喘滿。經曰。直視譫語喘滿者死。又身汗如油。喘不休者。爲命絕也。

## 短氣

短氣者。氣短不能相續。似喘而不搖肩。似呻吟而無痛處。其證多端。實爲難辨。表裏寒熱虛實。稍不明切。誤治者多矣。一者太陽表證不解。汗出不漉。其人面色緣緣正赤。陽氣怫鬱。煩燥不安。其身不知痛所在。而短氣者。宜微汗則愈。桂枝麻黃各半湯。二者太陽病發於陽。而反下之。陽氣內陷。遂成結胸。心下硬滿高起。氣促而短。脉沉滑而實者。大陷胸湯。脉浮大而虛者。柴胡陷胸湯。三者陽明病。內實不大便。腹滿潮

熱而短氣者大柴胡湯四者乾嘔短氣痛引脇下汗  
出不惡寒者此表解裏未和也十棗湯按涎丹亦可五者  
短氣煩燥心中懊懣者梔子豉湯六者少陰病脉沉  
細遲四逆面上惡寒有如刀刮口鼻之氣難以布息  
而短促者通脉四逆湯加人參七者因汗吐下後元  
氣虛弱脉來微細氣不相續而短促者大建中湯八  
者風濕相搏一身盡痛小便不利惡風不欲去衣被  
而短氣者甘草附子湯九者食少飲多水停心下妨  
悶短氣者茯苓甘草湯兼小便難五苓散大抵心腹

脹滿。按之硬痛而短氣者。爲裏實。宜承氣輩。若心腹濡軟不脹滿而短氣者。爲表邪。宜瀉心輩。若少氣不足以息。脈微弱而短促者。爲氣虛。宜理中輩。此傷寒短氣之大畧也。若溫病鬱熱內迫。氣多急促。須看兼證。舌上白胎如屑。清化湯增損。三黃石膏湯。若胎黃及黑色而短氣。加味涼膈散。或解毒承氣湯急下之。若病者屬四損之輩。又當詳辨。蓋短氣有類於喘。但短氣則氣急而短促。不似喘之搖肩而氣粗也。大抵氣急而不相續。多屬實。少氣不足以息。多屬虛。以此

辯之百不一失。

### 呃逆

呃逆者氣上逆而呃忒也。內經作噦。卽此字之聲也。卽此證也。勿誤作咳逆。咳逆者咳嗽之甚也。非呃逆也。呃逆者。纔及咽喉則遽止。呃呃然連續數聲。而短促不長也。如傷寒胃熱失下。內實大便硬。呃逆者。脉必應指有力。調胃承氣湯便軟者。生薑瀉心湯。胃虛有熱。呃逆者。橘皮竹茹湯。有痰飲者。脉必弦滑。小半夏生薑湯。脉細微。呃逆者。胃寒也。橘皮乾薑湯。丁香

柿蒂湯金匱要畧曰其氣自臍下直上衝於胸膈間而呃逆者此陰證也其病不在胃也乃肝腎虛寒之極而挾陰火上衝以病本下虛內已伏陰或誤服寒冷之藥遂令寒極於下逼其相火上衝率集於胃中而呃逆亦欲盡也急服腎氣丸料又病人呃逆煩燥自覺甚熱他人以手按之其肌膚則冷此爲無根失守之火散亂爲熱非實熱也乃水極似火陰證似陽也若不識此誤用涼藥下咽立斃大建中湯或附子湯加肉桂乾薑急溫其下真陽回陰火降呃忒乃止

也如寒極呃忒不已者兼用硫黃乳香等分爲末酒煎服之或以艾湯調服硫黃末二錢或艾灸中脘關元氣海更妙凡呃逆而二便不通者屬實熱凡呃逆而厥逆自利者屬虛寒凡呃逆不尿腹滿者不治凡久病而見呃逆者此真氣已衰不治凡舌短灰黑及頭汗不得尿與自利腹痛而呃逆者不治凡呃逆脉散者死按以上論傷寒呃逆寒熱死生之論無遺蘊矣若溫病無陰證不在此例佛熱攻發火性上炎氣逆而呃呃連聲也治法各從其本證而消息之大概



不外清化升降。加味涼膈以清熱導滯爲主。如見白  
虎證則投白虎。見承氣證則投承氣。膈間痰閉則用  
絳痰湯。滾痰丸。但治本證。呃自止。其餘可以類推矣。  
按呃逆一證。古無是名。俗謂打攔忒是也。其在內經  
本謂之噦。因其呃呃連聲。故今人以呃逆名之。於義  
亦妥。孫真人云。遍尋方論無此名。遂以欬逆爲噦。致  
令後世訛傳。乃以欬逆嘔吐噦乾嘔噫氣之類。互相  
淆亂。紛紛聚訟。自唐迄今。余用析而判之。曰噦者呃  
逆也。非欬逆也。欬逆者。欬嗽之甚也。非呃逆也。乾嘔

者無物之吐卽嘔也。非噦也。噦者。飯食之息卽噦氣也。非欬逆也。嘔者。有聲有物也。吐者。無聲出物也。後人但以此爲鑑。則異說之疑。可以盡釋矣。

虵厥

陶氏曰。吐虵雖有大熱。忌用冷藥。犯之必死。胃中有寒。則虵上膈。大鹵之兆。急服理中。安虵散。待虵定。却以小柴胡湯退熱。此說謬甚。又傷寒吐虵。責於寒雜證。吐虵責於熱。此說亦謬。紛紛聚訟。迄無定見。余按傷寒七八日。脈微而厥。膚冷。其人躁。無暫安時者。此

爲藏厥。非虵厥也。四逆湯主之。至於肝藏。或寒或熱。以致胃無穀氣。虵不安其位。至咽而吐。須看本證。消息治之。如寒。則靜而復時煩。宜烏梅丸。理中安虵散。如熱。則煩嘔不止。宜黃連解毒湯。白虎湯。俱加川楝子。使君子烏梅。此大畧也。若治溫病。而用理中烏梅。正如抱薪投火。輕病致重。重病致危。蓋溫病無陰證。若至吐虵。則表裏三焦熱鬱亢極。不思現在事理。徒記紙上文詞。因之誤人甚衆。胃熱如沸。虵動不安。下氣不通。必反於上。虵因嘔出。此常事也。酌用增損三

黃石膏湯加味涼膈散俱加川楝子使君子烏梅則  
熱退而虵自不出耳大抵胃脘忽痛忽止身上乍寒  
乍熱面上時赤時白脉息倏亂倏靜皆吐虵之候也  
須早辯之

### 厥逆

厥逆陰陽之氣不相順接手足寒涼便爲厥也凡有  
四逆者便當早察寒熱虛實而施治大抵病至發厥  
正氣已極但有陰厥陽厥之分辯之一差死生立判  
凡傷寒陽厥者必先因熱甚不解而後發厥也仲景

曰厥深熱亦深厥微熱亦微是也切其脉雖沉而有  
力四肢雖涼有時而溫或手足心溫戴氏以爲指甲  
却煖大便燥實譫語發渴揚手擲足畏熱喜冷與之  
冷水則嚙此乃陽厥之候仲景曰厥逆手足冷脉滑  
者裏有熱也白虎湯主之劉河間曰肢體厥逆惟心  
胸有熱以涼膈散養陰退陽不宜速下大便不祕者  
以黃連解毒湯調之故凡厥證可速下者內有燥糞  
也必以手按人之臍腹上下左右或硬或痛或腹中  
轉氣下失極臭者有燥糞也乃可下之宜調胃承氣

湯近有陽證自腰以上常熱兩脚常冷蓋三陰脉上  
不至頭故陰證頭不痛三陽脉下不至足故陽證亦  
足冷也孫兆曰凡陰證脛冷兩臂亦冷若脛冷臂不  
冷則非下厥上行所以知是陽微厥也陽厥雖曰陽  
邪在裏甚不可下蓋傷寒以陽爲主厥逆有陰進之  
象若復用苦寒下之則陽益虧矣是在所忌宜四逆  
散輕劑以和之又有邪傳厥陰誤下厥逆寸脉沉遲  
尺脉不至咽喉不利吐膿血泄利不止麻黃升麻湯  
主之凡傷寒陰厥者初病無身熱頭痛便秘惡寒直

至臂脛以上。過乎肘膝。引衣蹠卧。不渴。或兼腹痛吐瀉。小便清白。或淡黃。切其脈沉遲微細無力。此爲陰經直中真寒證。不從陽經傳入。自是白通四逆一派。又有初是陽證。傳陽經。或因復着外寒。或因誤服涼藥太過。或因誤下。而致虛極。則積陰盛於下。陽氣衰於上。變成陰證。真武湯加人參。又有病者手足厥冷。言我不結胸。小腹滿。按之痛者。此寒氣結在膀胱關元也。四逆湯加吳茱萸。大抵陽厥邪熱轉入轉深。狂亂譫妄。必然神志昏慣。人事迷惑。陰厥便利不渴身

踈多臥醒則人事了了神志清明此大端也若溫病厥逆無陰厥雜氣伏鬱陽熱內迫格陰於外氣閉不能達於四肢甚有通身冰凍其脈多沉滑或沉伏或沉細欲絕或六脈俱閉所云體厥脈厥是也證多怪異不測之狀輕則升降散增損雙解散加味涼膈散重則加味六一順氣湯解毒承氣湯斟酌下之豈可與傷寒陽厥並論哉若數下後厥不回熱不退者死亦有下數十次利下數十行厥方回熱方退而得生者正所云急證急攻下之或可活不下必死無疑矣



此則溫病厥逆治法也。外有壞病多厥逆煩燥者，不獨陽極陰極也。當辨陽傷陰傷治之。陽傷則宜滋養後天胃氣，兼助下焦真陽補陰益氣煎。或大溫中飲。陰傷則宜滋補先天真陰，兼清血中之熱。左歸丸料。或六味地黃丸料，俱加青蒿地骨皮。是在臨證活法，不得如初病厥逆例治也。

### 大便自利

自利者，不因攻下自然漉瀉也。要在辨寒熱而治之。庶幾無差。大抵傷寒陽熱之利，與陰寒之利不同。陽

利渴欲引水小便色赤或深黃發熱後重糞色焦黃  
或爲腸垢所去皆熱臭臍下必熱得涼藥則愈若陰  
利則不渴小便色白或淡黃厥逆脈沉遲洞下清穀  
或爲驚漉糞色淡黃或白臍下多寒得溫補藥則愈  
三陽下利身熱太陰下利手足溫少陰厥陰下利身  
涼無熱此其大概耳傷寒合病家皆作自利太陽陽  
明合病下利葛根湯太陽少陽有病下利黃芩湯少  
陽陽明合病下利小柴胡湯加葛根白芍合病發熱  
自利皆爲表邪不可例以爲裏證也唯有陽明一證

脉浮而遲

浮為風遲為寒

表熱裏寒

內寒外熱

下利清穀者

胃中虛冷

不能化穀

四逆湯以溫中止利則裏氣和而表邪散矣

利不渴

屬太陰

以其藏有寒也當溫之宜四逆輩則

宜用理中湯可知矣若寒甚厥逆脉沉者附子必加

之若腹滿小便不利者宜五苓散合理中湯若嘔者

加半夏生薑自利而渴屬少陰虛故引水自救下利

脉微者與白通湯以通其陽而消其陰利仍不止厥

逆無脉乾嘔煩者白通加人尿猪膽汁湯借膽汁嚮

導之力以引湯藥深入服湯後脉暴出者死氣因泄

脫也。脈續出者生。陽氣漸復也。少陰病。腹痛。小便不利。四肢沉重疼痛。自下利者。此爲有水氣。或咳。或嘔。或小便利者。真武湯去白芍。加乾薑。以運脾滲水爲務。少陰病。下利清穀。裏寒外熱。手足厥冷。脈微欲絕。身反不惡寒。面時色赤。通脈四逆湯。少陰病。吐利。手足厥冷。煩燥欲死者。吳茱萸湯。少陰病。下利六七日。咳而嘔渴。心煩不得眠者。猪苓湯。自利不止。裏寒下脫。此利在下焦。赤石脂禹餘糧湯。服湯後利仍不止。當利其小便。與猪苓湯。少陰病。四逆。或咳。或悸。或小

便不利或腹中痛或泄利下重者四逆散加蘼白此  
亦陽邪傳至少陰陷入於裏而不得交通陽分故不  
以苦寒攻之而但以此散和之少陰病自利清水色  
青心下必痛口乾燥者急下之以存津液大承氣湯  
蓋熱邪傳入少陰逼迫津水注爲自利質清而無渣  
穢相雜色青而無赤黃相間此正陽邪暴橫反類陰  
邪但陽邪傳自上焦其人心下必痛口必乾燥設係  
陰邪則心下滿而不痛口中和而不燥必無此枯槁  
之象故宜急下以救其陰也厥陰下利清穀裏寒外

熱汗出而厥者通脈四逆湯下利腹脹滿身體疼痛者先溫其裏四逆湯乃攻其表桂枝湯此總以溫裏爲急也下利脈大者虛也以瀉下之太早故也設脈浮革因而腸鳴者當歸四逆湯大汗出熱不去內拘急四肢痛又下利厥逆而惡寒者四逆湯惡寒脈微而復利利止亡血也蓋亡血本不宜用薑附以損陰陽虛又不當用歸芍以助陰此利後惡寒陽氣下脫已甚故必用四逆湯以復陽爲急也再加入參則陽藥愈爲得力陽生則陰長設用陰藥必致腹滿不食

或重加泄利嘔逆轉成下脫而死矣下利譫語者有燥糞也蓋下利則熱不結胃不實何緣得有譫語此必熱反於胃內有燥糞故雖下利而結者自若也必用小承氣湯以蕩熱潤燥微攻其胃則愈熱利下重與下利欲飲水者以有熱在腸胃故也俱宜白頭翁湯下利後更煩按之心下濡者爲虛煩也宜梔子豉湯若溫病怫鬱內盛發熱煩渴小便色赤大便自利升降散主之內熱甚而利不止燥悶狂亂者增損三黃石膏湯加酒大黃腹滿痛更加之挾熱下利者因

其人大便素澹。邪忽乘胃。便作煩渴。午後潮熱。便作瀉泄。宜升降散。小承氣湯。徹其餘邪。而利自止。熱結傍流者。以胃家實。邪熱壅閉。大便先秘。續得下利。純臭水。全然無糞。以加味六一順氣湯下之。得結糞而利立止。若不得結糞。仍下臭水。及所進湯藥。因大腸邪深。失其傳送之職。知邪猶在也。再以前湯重下之。虛甚。則宜黃龍湯。此內經通因通用之法也。大抵下利脫氣至急。五奪之中。惟此爲甚。故不厭詳審。傷寒下利。日十餘行。脈反實大者死。傷寒發熱下利。至甚。



厥不止者死。夫厥證但發熱則不死。以發熱則邪出於表而裏證自除。下利自止也。若反下利。厥逆有加。則其發熱又爲真陽外散之候。陰陽兩絕。故主死也。傷寒發熱下利。厥逆。燥不得卧者死。夫燥不得卧。腎中陽氣越絕之象也。下利手足厥逆。皆爲危候。以四肢爲諸陽之本也。加以發熱燥不得卧。不但虛陽發露而真陽亦燄盡無餘矣。安得不死。金匱要畧曰。六府氣絕於外者。手足寒。五藏氣絕於內者。利不禁。氣已脫矣。孰能治之。

大便膿血

長沙著便膿血無死證世醫用溫熱之藥罔或得痊殊不知此證屬熱者十之九古人云見血無寒又云血得熱而妄行溫熱之藥豈可輕投如傷寒太陽病誤發淋家汗因便膿血宜猪苓湯由小便淋瀝所致利其小便自愈經曰淋家不可發汗發汗則便膿血是也太陽病以火薰之不得汗其人必燥到不解必清也圖血黃連阿膠湯陽明病無表裏證發熱雖脈浮數可下下之脈數不解下利不止協熱便膿血者地榆散二證乃熱勢迫

血下行折其火邪自愈其在少陰下利便膿血不腹  
痛與四五日腹痛小便不利便膿血者俱桃花湯主  
之蓋調正氣滯滑脫亦辛以散之之意也又少陰七  
八日一身手足盡熱以熱在膀胱必便血也此藏府  
合病白頭翁湯主之厥陰先厥後熱下利必自止若  
不利必便膿血又厥少熱多其病當愈四日至六  
七日熱不除者必清膿血又下利寸脉反浮數尺中自濡  
愈設不瘥必清膿血又下利寸脉反浮數尺中自濡  
者必清膿血四證皆傳經之熱邪也悉白頭翁湯主

之若溫病怫熱結滯火勢下注陽實陰虛大便膿血甚如豚肝如爛瓜肉屋漏水者大清凉散增損三黃石膏湯或當歸導滯湯加減消息治之予用升降散治此大證而得愈者若許人真神方也

小便不利不通

凡傷寒小便不利當分六經施治不可與雜證同論而溫病小便不利又不可與傷寒同論也太陽病汗下後仍頭項強痛發熱無汗心滿微痛小便不利者桂枝去芍藥加白朮茯苓湯太陽病發熱脈浮煩渴小

便不利者。五苓散。但有汗多者不可用也。陽明病。脉浮發熱渴欲飲水。小便不利者。猪苓湯。若汗多者。小便原少不可用也。若脉洪大。舌燥飲水。小便不利者。白虎湯。或玉泉散。合六一散亦可。若大便秘。難下。易小便不利而熱者。此有燥糞也。調胃承氣湯。若頭汗出。壯熱渴飲水。漿。小便不利者。必發黃也。茵陳蒿湯。加木通滑石。少陽病發熱口渴。或嘔。或心下悸。小便不利。脉弦數者。小柴胡湯。加白茯苓。口乾燥。去半夏。加陳皮。麥冬。竹葉。太陰病。腹滿自利。小便不利。無熱。

脉沉者理中湯合五苓散加厚樸木香分利其水而大便自實也。少陰病四五日小便不利四肢重沉自下利者真武湯。少陰病四逆或咳或悸或瀉利下重或小便不利者四逆散加白茯苓厥陰病寒閉厥逆脉沉囊縮小便不利者四逆湯加木通白茯苓或灸氣海關元或以葱白熨炒熨法治之大抵膀胱爲津液之府氣化而能出若有汗多者津液外泄小便自少不可利之恐亡津液也待汗止小便自行矣若溫病小便不利因陽明熱鬱氣結不舒故小水滯滯而

短少也。以升降散通之。則清氣一升而濁氣自下降矣。亦有心熱小便不利者。宜小復甦飲。又小便不通。其因有二。有熱鬱者。有寒凝者。溫病皆熱鬱。用玄明粉。芒硝亦可三錢。雞子清一枚。蜂蜜三匙和一處。或新汲水。或燈心煎湯。或車前草汁調服。甚則以解毒承氣湯下之。利水無益也。傷寒有熱鬱。亦有寒凝。寒則茯苓四逆湯。或以鹽入臍中。蒜片蓋之。堆艾葉於上。灸七壯自通。或以炒鹽熨臍。並治腹痛。皆妙法也。熱則以八正散通之。

寒濕條辨卷三

三

續論氣分血分  
二語詮解傷寒  
溫病言簡意該  
透骨徹髓讀醫  
至此如夢初覺  
千古疑案兩言  
而定

續論曰。傷寒小便不利。以脉浮者屬氣分。五苓散。脉  
沉者屬血分。猪苓湯。而溫病之小便不利。脉浮者屬  
氣分。猪苓湯。脉沉者屬血分。承氣湯。蓋傷寒自氣分  
而傳入血分。溫病由血分而發出氣分。不可以此而  
礙彼也。

小便自利

傷寒小便不利。正因不當利。而反自利也。如太陽陽  
明自汗。不應小便利。而反自利者。寒為膀胱不禁。熱  
為畜血使然。是以傷寒之一證也。安得不辯治乎。太



陽小便自利以飲水多必心下悸桂枝甘草湯身黃  
小便當不利今反自利其人如狂下焦畜血也代抵  
當湯九二便俱自利六脉沉遲四逆湯陽明自汗應  
小便不利而反自利津液內竭也糞雖硬不可攻宜  
蜜煎導法一法以白菜自然汁大麻仁汁生芝麻汁  
等入蜂蜜匙三調服一二次自下凡大便閉小便自利  
知其熱在內也宜承氣輩大便通小便清白自利知  
其內虛寒也宜四逆輩若溫病小便自利無陰證乃  
邪熱干於血分畜血尿血邪留欲出小便數急膀胱

不約而自遺也。升降散或桃仁承氣湯去桂加丹皮牛膝枳殼合黃連解毒湯去其邪熱自愈。

小便數

小便數者頻來而短少也。膀胱積熱熱則小便濇乃水行不快淋瀝而數起也。在傷寒自外傳內五苓散猪苓湯在溫病由內達外神解散升降散又太陽傷寒脈浮大白汗脚攣急心煩微惡寒小便數者此處寒所致桂枝加附桂湯主之不可行桂枝湯得之便厥咽乾吐逆煩燥譫語與甘草乾薑湯以復其陽厥

愈足溫再與芍藥甘草湯其脚卽伸若陽明猶有餘風生熱胃氣不和譫語者少與調胃承氣湯和之又小便數腎與膀胱俱虛客熱乘之爲虛不能制水也人參三白湯加熟地黃栢知母麥冬

### 心悸

悸者心中築築然動怔忡不安也傷寒心悸之由不過氣虛停飲兩端氣虛由陽氣內弱心下空虛正氣內動而爲悸也小建中湯甚則大建中湯或人參三白湯脉沉心悸頭眩身瞶振真武湯僂飲由水停心

下。心屬火而惡水。水既內停。心不自安而悸。茯苓甘草湯。或五苓散。分利之。脉結代。心動悸。炙甘草湯。又發汗過多。其人必叉手冒心。心悸喜按。桂枝甘草湯。甚則炙甘草湯。又發汗過多。心液虛耗。臍下悸者。欲作奔豚。腎乘心虛上凌而剋之故動惕于臍間。茯苓桂枝甘草大棗湯。寒熱心悸。小便不利。心煩喜嘔。小柴胡湯。心神不寧。怔忡不眠。朱砂安神丸。若溫病心悸。鬱熱內盛。火性上衝。加味涼膈散。增損三黃石膏湯。看兼證消息之。

瘧

瘞者如角弓反張也。以胃爲總筋，筋急而縮之，故由  
於濕生熱，熱生痰，痰生風，風火彌甚，木勝尅土，筋不  
能榮，輕則憊惕瘰癧，手足戰掉，重則鼻塌目直，頭折  
臂反。在傷寒以六一順氣湯下之，在溫病以加味六  
一順氣湯下之。蓋瀉土所以瀉木也。若傷寒有不可  
下者，以四物湯合桂枝湯加黃連。吳茱萸炒黃芩、防風、鉤  
藤、鉤則血和，風火自滅也。

肉憊筋惕

憊者，肌肉蠕動，惕者，筋脈動跳也。此因發汗攻下太

過邪熱未解血虛氣奪筋肉失其所養故惕惕而跳動也。凡傷寒惕憊兼肢冷者真武湯。輕者桂苓甘朮湯。汗下後虛極而惕憊者人參養榮湯。大建中湯。汗下後虛極煩而不得眠惕憊者加味溫膽湯。若不經汗下而肉憊筋惕潮熱來尤甚大便必結小便赤滿以手按臍傍硬痛此燥糞也大柴胡湯加芒硝如初病便見肉憊筋惕必先元氣虛損或失血房室勞役及新產崩漏致有是證人參養榮湯若誤用表藥必無生理。倘不詳辯寒熱虛實而欲治之無差難矣。若

溫病而見惕憊之證此陽明火毒陷入厥陰陽明主  
潤宗筋燔灼津液弗榮而動加味六一順氣湯解毒  
承氣湯消息治之設有虛而惕憊者必入四損不可  
正治之條一實一虛其脈證畢竟有辨隨證變治全  
賴醫者活法耳

舌捲囊縮

扁鵲曰舌捲囊縮者死然在古人雖曰死證亦不可  
不盡心以救之但有因熱極而捲縮者有因寒極而  
捲縮者要在詳細辨之凡熱極者宜下傷寒從三陽

熱證傳至厥陰而見此證者乃肺氣燔灼水受火困而不得舒縱。叔菴云陽明之熱陷入厥陰陽明主潤宗筋宗筋爲熱所攻弗榮而急引古與羣丸爲熱極危殆之候男子則囊縮婦人則乳頭縮如脈實便秘口渴煩滿之極六一順氣湯加黃連若溫病邪鬱中焦流佈上下以致肺肝受傷水不勝火陰不敵陽筋脈弗榮故有此證加味六一順氣湯或解毒承氣湯凡寒極者宜溫傷寒始病無熱惡寒便厥逆無脈而見此證乃厥陰虛寒內則經血失養而引急不舒外



則肢體蹇曲而下部不溫。乃肝氣垂絕之候。急用四逆湯加人參肉桂吳茱萸溫之。並灸關元氣盡及葱熨法溫病無陰證。

### 循衣抹牀

華陀曰。傷寒循衣抹牀者死。傷寒論曰。傷寒若吐若下後不解不大便五六日至十餘日。日晡潮熱不惡寒。獨語如見鬼狀。若劇者發則不識人。循衣抹牀惕而不安。微喘直視。脉滑弦者生。濇者死。微者但發熱譫語大承氣湯主之。若一服利止後服。又曰。傷寒手足

小便利則水出  
高源肺氣不逆  
可知也勝脫化  
腎水不枯可  
知也故曰可治

燥擾捻衣抹牀小便利者其人可治可見此證非大  
實卽大虛但參其證審其音察其脉而分治之實而  
便秘大承氣湯虛極熱極不下必死者黃龍湯虛而  
便滑獨參湯厥逆加附子若亡血者又當用生地黃  
連湯大抵陰陽二氣將絕者則妄言撮空也婁全善  
曰嘗治循衣抹牀數人皆用大補氣血之劑一人兼  
瞶振脉代遂於補劑中加肉桂五分亦振止脉和而愈  
汪訥菴曰妄言撮空有因氣虛陽脫而然者皆宜用  
參附補劑而說確有至理若溫病陽明邪熱亢閉上

乘心肺致令神志昏憤多有撮空之證宜解毒承氣湯下之如火盛精枯用熟地兩一歸身錢七山藥錢五煮湯入前藥煎服每收奇功若久病神昏氣血陰陽四損者自當從婁汪之說而消息之

按脉弦者生之弦字當是滑字弦為陰負之脉豈有必生之理惟滑脉為陽始有生理況滑者通也濡者塞也凡物之理未有不以通為生而濡為死者宜改之

### 煩燥

煩者心不安而擾擾心胸愠怒如有所解外不見形為熱尚輕燥者身不安而憤離手足動掉若無所指

內外不寧爲熱最劇。凡傷寒表邪熱盛脉浮緊不得汗出而煩燥者大青龍湯。大熱錯語呻吟乾嘔不眠煩燥脉數者黃連解毒湯。或竹葉石膏湯。內有燥糞繞臍腹痛煩燥調胃承氣湯。誤汗誤下病仍不解煩燥者茯苓四逆湯。脉必沉細乃可用之。少陰病身微熱脉沉細手足厥而煩燥者四逆湯。面赤者加蔥白。若無脉乾嘔煩燥者白通加人尿猪膽汁湯。少陰病吐利厥逆煩燥欲死者吳茱萸湯。少陰病下之後誤下

傷復發汗

誤汗傷陽

晝日煩燥

陽虛生煩陰虛生燥

夜而安靜

可微裏寒

不嘔不渴

可徵內無實熱

無表證

頭不痛不惡寒

脉沉微

沉爲在裏微爲陽虛

身無大熱者

可徵陽微

乾薑附子湯凡陰極發燥欲坐井

中或投沉水中卧者厥逆脉沉微一息七八至按之

則無但欲飲水不得入口此陰盛格陽氣欲脫而爭

譬如燈將滅而暴明矣乾薑附子湯加人參以接真

陽之氣或可救療一方以艾湯調服硫黃末

二聖時

汗出乃愈若溫病表裏三焦大熱渴欲引飲煩燥不

安多現奇怪不測之狀增損三黃石膏湯增損雙解

散升降散三方並爲對證之劑子每隨證用之救壞

病而得生者若許人真希世之珍也。其其實之大抵  
不經汗下而煩燥者爲實汗下後煩燥爲虛。內熱曰  
煩。謂心中鬱煩也。乃爲有根之火。故大煩不燥爲可  
治。外熱曰燥。謂氣外熱燥也。乃爲無根之火。故但燥  
不煩爲不可治。經論少陰病有曰四逆惡寒脉不至  
不煩而燥者死。煩與燥可治不可治判然矣。凡結胸  
證悉具煩燥者死。發熱下利厥逆燥不得眠者死。少  
陰吐利煩燥四逆者死。煩燥爲有常之病。復有不治  
之證。傷寒溫病皆然。臨病之下當詳細辯之。

懊懣

實卽懣字  
古人通用

懊懣者鬱鬱然不舒憤憤然無奈比之煩燥而更甚也凡傷寒發汗吐下後虛煩不得眠劇者反覆頓倒心中懊懣與陽明病下之其外有熱手足溫而不結胸心中懊懣饑不能食但頭汗出二者爲邪熱鬱於胸中須梔子豉湯吐之以湧其結熱也陽明病下之心中懊懣而煩胃中有燥糞與陽明病無汗小便不利心中懊懣者必發黃二者爲邪熱結於胃中須大承氣湯茵陳蒿湯下之以滌其內熱也若溫病懊懣

爲熱毒蘊於胸中。加味涼膈散。或熱毒鬱於胃中。解  
毒承氣湯。識此等證候者。吐下之不差。湯劑之適當。  
則無不可愈之疾矣。一或當吐反下。治熱以溫。則變  
證百出。斑生黃發者。比比也。爲醫者。請精究之。

怫鬱

怫鬱者。陽氣怫鬱。面色綠綠正赤也。傷寒汗出不徹。  
陽氣怫鬱在表。不知痛處。須發汗乃愈。桂枝麻黃各  
半湯。若腹痛潮熱。脈大而數者。因大便不通。火氣上  
炎。而作面赤。大柴胡湯。時有微熱。怫鬱不得眠者。調



胃承氣湯吐汗下後虛極胃中虛冷外氣拂鬱乃假  
色現於面而內寒也理中湯加蔥白冷甚加附子少  
陰下利清穀裏寒外熱面色赤者四逆湯加蔥白若  
溫病無陰証滿面色赤目紅如硃煩燥飲水者此熱  
毒拂鬱也增損三黃石膏湯內實潮熱不大便增損  
大柴胡湯或加味涼膈散大抵傷寒陰證拂鬱併汗  
吐下虛者自是面赤而和光也若傷寒陽證表不  
解溫病內實熱甚者赤而光盛也不可但見面赤便  
以爲熱證也須辯之

鬱冒

鬱爲鬱結而氣不舒。冒爲昏冒而神不清。俗謂昏迷是也。皆因虛乘寒所致。傷寒論曰。諸虛乘寒者。則爲厥。鬱冒不仁。此正寒氣乘虛中於人也。駱龍吉以附子湯加天麻川芎乾薑之類治之。傷寒論曰。太陽病先下之不解。因復發汗。以此表裏俱虛。其人因冒。冒家汗出自愈。由表和也。若不得汗不解者。以人參三白湯加天麻川芎下虛脉微加附子。溫經乃固本也。昏冒耳聾。非大劑溫補不能取效。滋苗者必固其本。

伐下者必枯其上。此之謂也。陽明病小便不利大便  
乍難乍易。時有微熱。喘胃不能眠。有燥糞也。調胃承  
氣湯。少陰病下利止而頭眩。時時自冒者死。以虛極  
而脫也。若溫病。蓄熱內逼。脈道不利。反致脈沉細。或  
閉而鬱。胃欲死者。加味涼膈散。加味六一順氣湯之  
類治之。此事難知。曰傷寒心下不痛。腹中不滿。大小  
便如常。或傳至十日以來。漸變神昏不語。或睡中獨  
語一二句。目赤唇焦。舌乾不飲水。稀粥與之則噤。不  
與則不思。形如罪人。此熱傳少陰心經也。因心火逼

肺所以神昏蓋肺爲清肅之令內有火邪故也若脉

在丙者

脉浮是也

宜導赤散脉在丁者

脉沉是也

大黃黃連瀉

心湯丙丁俱熱者導赤瀉心各半湯在溫病火邪逼

肺神昏不醒大復甦飲主之蓋心經透出邪火與夫

邪之越經而傳於心及汗多亡陽者皆心神不足故

也醫者不識此證便以爲將死因之誤治者多矣最

要忌灸灸則愈增其熱最要忌下與食則嘔邪不在

胃也誤下則亡其陰傷寒溫病極多此證不可不辯

也活人書曰傷寒瘥後

又示傷寒後不瘥

或十數日或半月

二十日終不惺惺常昏沉似失精神言語錯謬或無  
寒熱或寒熱如瘧或朝夕潮熱都是發汗不欲餘毒  
在心胞絡所致也宜知母麻黃湯溫覆令微汗若心  
煩不眠欲飲水當稍稍與之胃和卽愈未汗須再服  
以汗爲度此說亦有理愚謂須是傷寒不曾大發汗  
及病以來身無汗者尤爲相宜或於知母麻黃湯中  
加酒炒黃連尤妙若治溫病清熱導滯自能汗解並  
無正發汗之理安得有汗出不徹之後證乎此中玄  
妙但可爲知者道也

## 動氣

動氣乃藏氣不調。肌膚間築築跳動於臍傍上下左右及左乳之下曰虛里者。皆其所聯絡者也。故動之微者止於臍傍。若動之甚則連及虛里。並心脈真若春春然連續而渾身振動者。此天一無根。故氣不蓄藏而鼓動於下。誠真陰守失大虛之候也。卽在病者不痛不癢。尙不知爲何故。醫家不以爲意。弗能詳辨。誤治者多矣。活人曰。諸動氣者不可發汗。亦不可下。以邪之所湊其氣必虛。卽傷寒虛者不可汗下之例。

卽有汗下之證。但解肌微和胃氣可也。古人治法。以誤汗則傷陽。陽傷則邪併于氣。而氣上冲。或咳嗽眩暈。或心煩惡寒。並宜五苓散加酸棗仁以降斂之。誤下則傷陰。陰傷則虛陽不禁。而氣下奪。或身熱墜臥。或下利汗出。並宜大建中湯。理中湯。倍加桂苓。急溫其裏。則虛熱不治自息。此其意在脾胃虛寒。因憊概可知也。余治此證。則惟直救真陰。以培根本。使氣有所歸。無不獲效。右腎虧損。則以腎氣丸。右歸丸。左腎虧損。則以六味丸。左歸丸。或作丸料煎飲。傷寒論曰。

少陰脉不至。腎氣微。少精血。奔氣促。迫上入胸膈。此奔

脉之氣結動於臍。而逆凌心也。宗氣反聚。心胞之宗氣反聚而不下行。血結心

下。血行於心下。而脉不通。陽氣退下。也。退。隨熱歸陰股。鬱熱歸與

陰相動。與陰器之脉相動。令身不仁。此為尸厥。其狀若凡。其狀木無知。當

亦動氣。證也。天一無根。即此可徵。所云傷寒溫病四

損不可正治者。觀此可例其餘矣。

### 藏結

藏結如結胸狀。飲食如故。時時下利。寸脉浮。關脉細。小沉緊。名曰藏結。舌上白胎滑者難治。註寸脉浮。知



邪結在陽也。開脉細小沉緊。知邪結在陰也。既結於  
藏而舌上白胎滑。又爲胸寒外證。上下俱病。故難治  
也。又藏結無陽證。不往來寒熱。其人反靜。舌上胎滑  
者。不可攻也。試藏結於法當攻。無陽證爲表無熱。不  
往來寒熱爲半表半裏無熱。其人反靜爲裏無熱。舌  
上胎滑者以丹田有熱。胸中有寒。是表裏皆寒。故不  
可攻。蘊要主灸氣海關元穴。宜人參三白湯加乾薑。  
寒甚加附子治之。緒論曰。舌白胎滑者。以其仍邪熱  
內結。所以生胎。若內無結邪。則胎不生矣。只因裏氣

素虛不能熏熱故無陽證發現以其本虛邪結故爲難治非不治也。謂不可攻者以飲食如故知邪不在胃也。時時自利腸中亦無留結也。邪既不在腸胃攻之無益徒伐元氣耳。至於素有積痞又加誤下而邪結新舊兩邪相搏不解故死。然亦不可概爲死證而委之不救也。調其陰陽使之相入。黃連湯主之。有腹痛引脇下不可按者。附子瀉心湯。素有積痞痛引陰筋者。四逆湯。加吳茱萸。按蘊要治法與緒論治法略有不同。而緒論較穩。貴在臨病者詳證活法耳。要之

此皆論傷寒治法也。若溫病而見藏結之證，一有舌胎，便知熱邪內結，卽酌用神解散，大復甦飲之，類清解之，亦可與太極丸緩下之，庶幾可生。

### 狐惑病

狐惑者，傷寒溫病失於汗下，不解所致。食少胃虛，蟲蝕五藏，故唇口生瘡，蟲食其藏，則上唇生瘡爲惑，蝕食其肛，則下唇生瘡爲狐。謂之狐惑者，如狐之猶豫不定也。其候齒燥聲啞惡食，面目乍赤乍白乍黑，舌上胎白，唇黑，四肢沉重，喜眠，胃虛蟲食，殺人甚速。黃

連犀角湯主之外用雄黃銳丸納穀道中

### 百合病

百脉一宗舉身皆病無復經絡傳次故曰百合大抵病後虛勞藏府不調所致其病似寒不寒似熱不熱欲食不食欲卧不卧默默不知苦所在服藥卽吐如見鬼狀俱因病在陰則攻陽病在陽則攻陰藥劑乖違故成百合病通宜小柴胡湯加百合知母梗米血熱用百合地黃湯緒論曰百合病卽痿證之暴者以肺熱葉焦氣化不行以致小便不利又肺爲百脉之

總司故通身經絡廢弛百脉一宗舉身皆病宜百合地黃湯蓋取百合之清肅肺氣以利水道則周身之陽火自化耳按此亦傷寒溫病之後證也

### 主客交病

凡人向有他病疴羸或久瘧瀉痢或內傷瘀血或吐血便血男子遺精白濁真陰枯涸女子崩漏帶下血枯經閉之類以致肌肉消燄邪火獨存故脉近滑數也此際一著溫病醫家病家見其穀食暴絕更加身痛發熱痞悶不眠指爲原病更重誤以絕穀爲脾虛

以身痛爲血虛不眠爲神虛遂投參朮歸地茯神酸棗仁之類愈補愈危知者稍以溫病治之發熱稍減不時得醒但治法不得要領病終不解六脈滑數不去肢體時痛胸脇刺痛醫者以雜藥頻試補之則邪火愈熾瀉之則脾胃愈損滋之則邪氣愈固散之則經絡愈虛疏之則精氣愈耗日復一日久之又久伏邪與血脈合爲一致彼此膠固脈數身熱不去者邪火與正氣並鬱也肢體時痛者邪火與榮血相搏也胸脇刺痛者邪火上結於膈膜也主客交渾最難得

解治法當乘其大肉未消真元未敗急用三甲散  
有得生者更附加減隨其素而調之

### 婦女傷寒溫病

婦女六經治例與男子無異但多兼經候調治爲難  
經行之際用藥必和中兼調血爲主如傷寒自氣分  
傳入血分表證居多用生地四物湯合麻黃湯桂枝  
湯葛根湯小柴胡湯之類隨證消息之如溫病由血  
分發出氣分裏證居多用神解散小清涼散升降散  
增損雙解散之類隨證消息之至于傷寒傳裏熱證

治法與溫病雖異而大畧同。否則邪傷衝任而爲熱入血室矣。若胎前產後又當別論。此亦大概言之。神明則存乎人耳。

熱入血室

衝爲室海卽血室也。衝脉得熱血必妄行。在男子則下血譫語。在婦人則月水適來。惟陽明病下血譫語兼男子言。不僅謂婦人也。但以婦人經氣所虛邪得乘虛而入。故病熱入血室爲多。然婦人熱入血室有須治而愈者。有不須治而愈者。如傷寒論曰婦人中



風發熱惡寒經水適來得之七八日熱除而脉遲身  
冷邪氣內陷胸膈下滿如結胸狀譫語者此爲熱入  
表證罷也  
血室當刺期門隨其實而瀉之又曰婦人中風七八  
日續得寒熱發作有時經水適斷者此爲熱入血室  
其血必結故使如癰狀發作有時小柴胡湯主之二  
者是須治而愈者也又曰婦人傷寒發熱經水適來  
晝則明了夜則譫語如見鬼狀者此爲熱入血室無  
犯胃氣及上二焦必自愈此不須治而愈者也夫胸  
膈滿如結胸譫語此言適來卽斷是邪氣留結於胸

脇而不去血結在裏爲實證必刺期門隨其實而瀉

之不善刺者以小柴胡湯加梔子丹皮歸尾桃仁紅

花益母草穿山甲以消之如熱盛神昏但頭汗者加

酒大黃微利之以有瘀血故頭汗出也寒熱如瘧發

作有時此証經行未盡而適斷雖有結血未爲全實

以小柴胡湯加丹皮梔子生地歸尾益母草以清之

胃不甚虛者二者既有留邪必須治之可也在溫

病並宜增損大柴胡湯加歸尾桃仁穿山甲若發熱

經水適來晝則明子夜則譫語此則經水既來而不

醫裏無留滯之邪故晝日明了但暮夜則譫語俟經  
盡熱隨血散自愈不可刺期門犯胃氣及用柴胡犯  
上二焦也在溫病亦宜小柴胡湯去人參加陳皮丹  
皮梔子黃連益母草以清其熱又婦人傷寒表虛自  
汗身涼四肢拘急脉沉而遲太陽標病少陰本病經  
水適斷桂枝加附子紅花湯又婦人傷寒汗解表除  
熱入血室擾其榮血經水過多不受補益宜芍藥甘  
草湯和之

妊娠

妊娠傷寒溫病六經治例皆同。但要保胎為主。傷寒外感風寒表證居多。宜汗。宜解。宜和。不過麻黃桂枝葛根小柴胡等湯。合四物湯。隨證治之。自愈。溫病內蘊邪熱裏證居多。不可發汗。急用護胎之法。井底泥塗臍。至關元。乾再易之。或以青黛伏龍肝爲末。水調塗之。若大黃乾嘔。錯語呻吟。增損三黃石膏湯。清化湯。若熱甚燥急。胎動不安。必須下之。慎勿惑於參朮安胎之說。奪其裏熱。庶免胎墮。蓋邪火壅鬱。胎自不安。轉氣傳血。胎胞何賴。酌用升降散。增損雙解散。加

此段議論足開  
後人茅塞矣

味涼膈散或去芒硝以逐去其邪則焰熖頓爲清  
氣回而胎自固反見硝黃爲安胎之聖藥歷治歷效  
于母俱安若治之不早以致腹痛如椎腰痛如折服  
藥已無及矣古人所以有懸鐘之喻梁腐而鐘未有  
不落者在裏證溫病與傷寒治法大略同或曰孕婦  
而投硝黃設邪熱未逐胎氣先損當如之何余曰不  
然結糞瘀邪腸胃中事也胎附於脊腸胃之外子宮  
內事也大黃直入腸胃鬱結一通胎得舒養是與利  
除害於頃刻之間何慮之有內經曰有故無殞亦無

頌也。正此之謂。但毒藥治病。衰去七八。餘邪自散。幸勿過劑。凡妊娠萬有四損者。不可以常法正治。當從其損而調之。產後同法。非其損而誤補。必危。苦積有說。不可輕授。若至燥實。非此不可解。救有病當之。全無妨礙。不必去也。

### 產後

產後傷寒。不可輕汗。溫病。不可輕下。蓋有產時傷力發熱。去血過多。發熱惡露不行。發熱三日。蒸乳發熱。或起早動勞。飲食停滯。一皆發熱。要在仔細辯之。大抵產後大血空虛。若誤汗誤下。則亡陽亡陰之禍。更

此證以後以大  
氣血為主經  
之曰是確論執  
泥之則誤人矣

難解款凡有發熱且與四物湯歸芎爲君最多生地  
白芍須用酒炒合小柴胡湯加金銀花澤蘭葉益母  
草少佐乾薑最妙蓋乾薑之辛熱能引血藥入血分  
能引氣藥入氣分且能去瘀血生新血有陽生陰長  
之道以熱治熱深合內經之旨如有惡露未盡者黑  
龍丹必兼用之如有積熱停滯者麻仁丸大柴胡湯  
必兼用之不可執泥丹溪之說胃虛食少者必加白  
朮茯苓痰飲嘔逆者必加陳皮半夏但藥中必主以  
四物人參乃養血務本滋陰降火之要務也卽偶爾

傷寒或遭溫病亦須調理血氣為主傷寒內虛外感以大溫中飲理陰煎無汗用麻黃有汗用桂枝等湯頭痛用羌活川芎之類加減治之溫病拂熱內熾用三合湯加減治之最妙如萬不能不下升降散無妨增損雙解散去芒硝黃連加生地川芎尤爲對證之藥其餘脉證治法與男子同

小兒溫病

凡小兒感冒傷風傷寒咳嗽瘧痢等證人所易知至染溫病人多不料亦且難窺所以擔誤者良多且幼



科專於痘疹疳積吐瀉驚風併諸雜證在溫病則甚略之一也古人稱幼科爲嘔科蓋不能盡罄所苦以告醫醫又安得悉乎問切之義所以但知不思乳食心胸膨脹疑其內傷乳食不知其爲溫病熱邪在胃也但知嘔吐惡心口乾下利以小兒吐利爲常事不知其爲溫病協熱下利也但知發熱不知其頭痛身痛也凡此何暇致思爲溫病二也小兒神氣嬌怯筋骨柔脆一染溫病延挨失治便多二日上吊不時驚搐肢體發癢甚則角弓反張必延幼科正合渠平日

此三  
段論  
人  
情盡  
之福也

學習見聞之證多誤認為急慢驚風轉治轉劇或將  
神門眉心亂灸艾火雖微內攻甚急兩陽相搏如火  
加油死者不可勝紀三也凡雜氣流行大人小兒所  
受之邪則一旦治法藥餌亦相仿加味太極丸主之  
升降散亦妙四五歲以下者藥當減半三二歲以下  
者三分之一可也臨病之工宜酌量焉

加味太極丸 小兒溫病主方 凡治溫病左皆

白殭蠶 二錢 全蟬蛻 去土一錢 廣薑黃 三錢 川大黃 四錢 天

竺黃 一錢 膽星 一錢 冰片 一分

右七味秤准爲細末糯米濃湯和丸如芡實大  
冷黃酒和蜜泡化一丸冷服薄希熬酒亦可  
本方去天竺黃膽星冰片卽升降散鍊蜜丸卽  
太極丸是也用之便而且嘉看證消息治之

### 復病

凡瘥後無故復發熱者以伏邪未盡也謂之自復當  
問前得某證所復某證稍與前藥以徹其餘邪自然  
獲愈有溫病瘥後或三五六日反腹痛裏急者非前  
病原也此別有伏邪所發欲作滯下邪盡痢止不止

者宜當歸導滯湯。又有溫病瘥後，脈遲細而弱，或黎  
明或半夜後，便作瀉泄，此命門真陽不足也。宜腎氣  
丸，或右歸丸，作湯劑服亦可。傷寒論曰：傷寒瘥後，更  
發熱者，小柴胡湯主之。脈浮者，以汗解之。枳實梔子豉湯。脈  
沉者，以下解之。枳實梔子豉湯加大黃。又曰：傷寒瘥後，虛羸少  
氣，氣逆欲吐者，竹葉石膏湯主之。又曰：大病瘥後，從  
腰以下有水氣者，牡蠣澤瀉散主之。按如氣復雖通而  
而不痛，別無所苦，與水氣不歸丹溪云：氣易有餘，又  
云：血者難成而易敗，大病愈後，氣先血而復，血不足  
以配氣，故暫浮腫。又曰：大病瘥後，喜唾，久不了了者，  
靜養自愈。須臾，時之。

胃上有寒飲也。理中丸主之。夫傷寒自外傳內，邪在陽分居多。瘥後易於復元。復病尚少。溫病邪熱自內達外，血分大爲虧損，無故最善反覆。如到熱退身涼，飲食能進時，服太平圓酒三次。十日之間，精血漸充，而病如洗。何至勞復？若因梳洗沐浴多言妄動，遂至發熱。前病復起，惟脉不沉實爲辯。此爲勞復。傷寒論曰：大病瘥後，勞復者，枳實梔子豉湯主之。若有宿食者，加大黃少許。此破結除煩散熱之妙劑也。加大黃則又推蕩經滯矣。余謂氣爲火之舟楫，今則真氣方

長勞而復折。真氣既虧。火亦不前。如人欲濟舟楫已壞。其能濟乎。是火也。某經氣陷。火隨陷于某經。陷于經絡。則表熱陷於藏府。則裏熱。虛甚熱甚。虛微熱微。輕則靜養可愈。重則大補氣血。俟真氣一回。則血脈融和。表裏通暢。所陷之火。隨氣轉輸。自然熱退而病痊矣。若直用寒涼剝削之劑。變證蜂起矣。傷寒多傷氣。宜五福飲。大營煎之類。溫病多傷血。宜補陰益氣煎。六味地黃丸料之類。隨證加減之。若因飲食所傷。或吞酸飽悶而發熱者。此爲食積。輕則梔子厚樸湯。

加神麴或小柴胡湯合梔子厚樸湯重則神昏譫語  
腹滿堅痛欲吐不得欲下不能此危候也以升降散  
大柴胡湯黃龍湯涼膈散之類酌量與服有病則病  
當之亦無妨也大抵復病治法溫病與傷寒大同小  
異貴在臨證活法耳。○內經帝曰熱病已愈時有所  
遺者何也岐伯曰諸遺者熱甚而強食之故也若此  
者皆已衰而熱有所藏因其穀氣相搏兩熱相合故  
有所遺也帝曰治遺奈何岐伯曰視其虛實調其逆  
從可使必已也帝曰病熱當何禁之岐伯曰病熱少

愈食肉則復多食則遺此其禁也。○吳又可曰裏證下後稍差而急欲食者此非得已。以伏邪初散陰火乘虛擾亂故也。慎勿便與粥食。只宜先進稀糊。次進濃者。須少與之。不可任意過食。過食則復。此一著最為緊要。世多忽之。至于怒氣病復。房勞病復者。乃度量褊淺。不自貴重之輩。觀其脉證。隨證救之。更有嬌養成性。過于謹慎之輩。或傷寒表證方解。或溫病裏證方退。原不甚虛。輒用參附溫補。是因補而復。以致不救者。又不知凡幾。病家醫家尤當深懼。大抵治病



之法不可執一。總要脈證的確耳。古方未有不善者。偏於溫補而死。與偏於清瀉而死。其失等也。人之一身。陰陽血氣。寒熱表裏。虛實盡之。臨證者。果能望聞問切。適得病情。則溫清補瀉。自中病情矣。何得鹵莽粗疎。草菅人命哉。噫。難矣。

按已上證候七十餘條。俱從傷寒論中。取出溫病證治。之所以異。來令閱者了然于心。不以溫病爲傷寒。不以傷寒方治溫病。則患溫者。自以不冤矣。但有輕者有重者。有最重者。到底無陰證。與傷寒外感不同。

並非六氣爲病也。亦雜氣中之一耳。始則發熱頭痛身痛。舌上白胎。漸加煩燥。渴飲水漿。或發熱而兼凜凜。或先凜凜而後發熱。或晝夜純熱。或潮熱。或往來寒熱。或眩暈。或嘔吐。或痰涎湧盛。或嘔汁如血。或口舌乾燥。或咽喉腫痛。或咳嗽濃血。或喘呃吐衄。或心腹痞滿。或胸脇脹痛。或大便不通。或小便自利。或前後癰閉。或協熱下痢。或熱結旁流。或下血如豚肝。或如膠粘。或水泄無度。有舌黃胎黑胎者。有舌裂者。有舌生芒刺者。有舌色紫赤者。有唇崩者。有唇黑者。有

鼻孔如烟煤之黑者。有目暗不明。目赤。目黃。目眵。目直視。目反折者。有頭汗。盜汗。自汗者。有手足心腋下汗者。有耳聾不聞聲者。有頭腫大如斗者。有喉痺頸腫滴水不能下嚥者。有發狂如顛如癲者。有哭笑無常如醉如癡者。有棄衣登高踰垣上屋者。有厥逆身冷如冰者。有譫語晝夜不眠者。有昏迷不省人事者。有詈罵不避親疎者。有畜血吐血。衄血。毛孔血。目血。舌血。齒縫血。大小便血者。有發黃者。有發斑者。有發疹者。有斑疹雜出者。有發頤疔瘡瘡者。有渾身火泡。

瘡帶白漿者有首尾能食者有絕穀一月不死者有無故最善反覆者有愈後漸加飲食如常者有愈後飲食勝常二三倍者有愈後耳聾眼花者有愈後退爪脫皮落髮者至其惡狀甚有口噤不能張腿屈不能伸唇口不住牽動手足不住振戰遺尿遺糞圓睜口張咬牙嚼舌聲啞不語舌伸外挺沫如水浪項強發瘰手足反張肉憫筋惕骨痠足重舌捲囊縮循衣抹牀見神見鬼凡此怪怪奇奇不可名狀等證有相兼三五條者有相兼十數條者不可枚舉總因血氣

虛實之不同。藏府稟賦之有異。其受邪則一而已。及邪盡。一任諸證如失。所云知其一。萬事畢。知其要者。一言而終。不知其要者。流散無窮。所以溫病無多方也。然而陰陽乘除。寒熱倚伏。表裏參錯。虛實循環。見之真而守之定。通乎權而達乎變者。蓋幾希矣。

又按古人訓望問問切。乃臨證之首務。診治之要領也。明此四者。則六變具存。而萬病情形。俱在吾目中矣。醫之爲難。難在不識病本而誤治耳。誤則殺人。天道可畏。不誤則濟人。陰功無窮。學者欲明是道。必須

先察此要。以定意見。以爲階梯。然後再采羣書。廣其知識。熟之胸中。運之掌上。非止爲人。而爲己不淺也。慎之寶之。

又按傷寒自外之內。先傷氣分。溫病由內達外。先傷血分。故傷寒初感。利用發表。溫病初發。利用攻裏。傷寒後證多補氣。溫病後證多養血。溫病與傷寒實出兩門。自晉迄今。溫病失傳。無人。不以溫病爲傷寒。無人不以傷寒方治溫病。動云先解其表。乃攻其裏。此仲景傷寒論也。所以溫病一二日內。遇陽明腹脹滿。

痛之證少。陰口燥咽乾之證。厥陰舌捲囊縮之證。再不敢議下。明知厥深熱深之陽證。下之已遲。萬一僥倖。不過爲焦頭爛額之客。千餘年來。孰任殺人之辜耶。

又按古今醫書。非不有溫病之條。然皆編入於傷寒之中。議論無非傷寒所用之藥。雖曰治溫病。實治傷寒之的方也。余謂此等方論。但治傷寒未嘗不驗。若謬以治傷寒之方。而治春夏之溫病。是猶抱薪投火。蓋溫病自內達外。雖有表證。實無表邪。終有得汗而

解者必裏熱清而汗始出。前一節治法與傷寒不同。本朝陳良佐曰：春分後、秋分前一百八十二日半，諸病皆不可發汗。汗之多亡陽矣。溫病尤忌。凡治正傷寒發汗解表，溫中散寒之藥一概禁用。今特摘其尤者，如麻黃、桂枝、羌活、獨活、白芷、葛根、細辛、浮萍、蒼耳、蒼朮、艾葉、胡椒、故紙、茴香、肉桂、附子、乾薑、豆蔻、益智等味。古人亦未曾道破。余深體驗而知其不可以溫病無風寒與陰證也。但今醫家病家未有不以溫病爲傷寒者，未有不以傷寒方治溫病者。此固風氣之



使然亦習俗之舊染也。予敵辱促難以徧論。須知生死有命。誤犯禁藥。不過輕重之分。苟從死後而追悔。前方愚矣。

又按仲景傷寒論。用參薑桂附者。八十有奇。而溫病非所論也。伏邪內鬱。陽氣不得宣布。積陽爲火。陰血每爲熱搏。未解之前。麻黃桂枝不可沾唇。暴解之後。餘焰尚在。陰血未復。最忌參薑桂附。得之反助其壅鬱。餘邪伏留。不惟目下淹纏。口後必變生異證。或周身痛痺。或四肢拘攣。或留火結痰。或兩腿續痛。或勞

聖賢之言不過是  
之學亦不過是  
不意于醫中  
得之

吳清修  
嗽湧痰或毒氣流注或痰核穿漏皆驟補之爲害也  
大抵溫病愈後調理之劑投之不當莫若靜養節飲  
食爲第一而慎言語謹起居戒氣惱寡嗜慾皆病後  
所宜留神也

長沙傷寒論天苞地苴爲衆法之宗羣方之祖雜以  
後人知見反爲塵飯土羹莫適于用茲以自然之理  
引伸觸類開發神明溫病一證另闢手眼却不于長  
沙論外旁溢一辭後有作者不爲真索旁趨得以隨  
施輒效其利溥哉文之悲壯淋漓無論也